Церковно-научный центр «Православная энциклопедия»

IV. ПОСОЛЬСТВО ИННОКЕНТИЯ МОНАСТЫРСКОГО (1678 ГОД)

№ 6. 1678 г. Исповедание веры епископа Луцкого Гедеона Святополк-Четвертинского^а

Л. 76

Обещание, которое учинил Гедеон Четвертинский, епископ Лутцкий, всходя на епископию, что ему быти в благочестивой вере греческого закона. А ныне он объявляет о том обещании, желая, чтоб ему и впредь в той благочестивой вере быти.

Л. 77

Перевод з белоруского писма, что тот же Деражицкой архимандрит в Посолском приказе объявил.

Изображение обетовныя 1 клятвы 2 .

Аз, иеромонах Гедеон, избранный и нареченный епископ, обещаюся и в том клянуся пред лицем всевидящаго Бога и всеа Церкви, яко веру православную, юже ныне зде исповедах, цело и непорушимо до кончины живота моего сохраню. И яко им же образом и нравом в мимошедших временех пребых сице и от сего часа во вся последствующая дни живота моего даже до скончания его пребыти имаю во всем верен и послушлив святой соборней апостолстей Восточной церкви по предании божественных апостол и святых отец, и господину отцу пастырю нашему господину Парфению, архиепископу Константинополскому вселенскому патриарху, и его восприемником, правилне на престол патриаршески входящему и веру святаго восточного благочестия правосодержащим, и яко в совете или в соизволении, или деле // Л. 78 всяком святейшему Парфению патриарху и по нем его восприемником на сопротивление, умышляемом и творимом, или вред и тщету некую о нем наносящим пребывати и тому соизволяти, не имам. Паче же и елико мощно будет скоро и о нем предреченным изъявити, и сам сицевому совету и делу вредну сопротивитися и запяти должен буду. Совета же всякого в церковных исправлениях, его же ми они вручати будут сами собою или посланники своими, или епистолиею, аще свем его быти к церковному и онех вреду и тщете, никому же яве сотворю или открою, разве епископом, сослужителем моим, не имущим ни единого порока.

Посланником в патриарших и святейшия церкве Константинополския, их же и от иных быти всем в пришествии, пребывании и отшествии чесно и страннолюбно учтити, и в нуждах способник им быти имею.

Права, честная привилия и честь святыя Восточныя церкви и святейшаго господина владыки и пастыря нашего, архиепископа Костантинополского вселенского патриарха, такожде и святейшаго престола

1

¹ Последняя буква в слове исправлена из буквы «есть».

² На полях помета: «Обещателныя клятвы».

Церковно-научный центр «Православная энциклопедия»

// **Л. 79** митрополии Киевской Дионисия 3 , хранити, защищати и разширяти, и тщатися буду. Правила святых апостол и святыя Восточныя церкви изречения, расположения и заповедания всеми силами сохраню и от них хранитися буду 4 .

Еретиков всех древних и новых, такожде и отступников от святыя Восточныя церкви и от пастырей ея четырех святейших патриархов и их восприемников, к познанию истины⁵ навращати. Ереси же и душевредная изобретения их всеми силами искореняти должен буду.

Собора правилну и богославну видя нужду созывати к той, время же его и место благовременно епископом и всей Церкви изъявити и возвестити должен буду.

Аще нечто полезно и благопотребно от древних обычаев, в Церкви прежде небрежением оставленное, паки имам обновити и в древнее употребление привести всей Церкви нужно, хотя возмнитца быти. Обаче ж сие // Л. 80 творити дерзну, донеле же госнодина и пастыря моего патриарха Костянтинополского обещание и благословение, сослужителей моих епископов согласие к сему притяжу. Имениа ж, наследия и села, яже належат к трапезе и к воспитанию моему, ниже туне дам, ниже на цене продам, ниже за долги изнурю, ниже иным коим образом или обычаем от Церкви отчюжду, аще и соизволением клироса Церкви моея на се имел бых без общаго совета всея Церкви и соизволения. Аще же самоволно бес преждереченного всея Церкви совета и соизволения нечто от помянутых именей отчюждал бых, казни и запрещению от всея Церкви преданному мне подлещи должен буду.

Должен же к сему буду всяким промышлением, силами и разумом тщатися и прилежати училища строити и до них свободных ученей учителей стяжати, от именей Церкве их, к трапезе моей приналежащих, питати и потребная им воздавати, поелику мочно мне будет. Прочее, всякого странного // Л. 81 и церкви святой Восточной несогласующаго, и противящагося нрава, обычая, учения, изобретения, такожде и человек, иномудръствующих и таковая изобретающих, не точию к церковному исправлению, к благочестию и к сожителству православных воспримати, купно вводити и присовокупляти не имам, но всеконечно таковых всех, яко же сам обегати и блюстися, сице и прочиих моему пастырству приналежащих от всех тех и тем подобных удалятися повелети и сотворити по силе моей должен буду. Тако ми Бог да поможет и сие святое божественное Евангелие.

Гедеон Святополк-Четвертенский, епископ Луцкий и Острозский, рукою своею.

РГАДА. Ф. 52. Оп. 1. 1679 г. № 1. Л. 76–81 (без оборотов).

³ На полях помета: «В Цареграде митрополит Киевской нареченной».

⁴ На полях помета: «В подлинном писме написано так».

⁵ В рукописи ошибочно: «истинны».

Церковно-научный центр «Православная энциклопедия»

Примечание: ^а Гедеон Святополк-Четвертинский — князь из рода, возводившего себя к князю Святополку Изяславичу, с 1660 г. православный епископ Луцкий и Острожский. По оценке его католических противников в конце 70-х гг. XVII в. владыка Гедеон был наиболее авторитетным православным архиереем в польско-литовской части Киевской митрополии.

